



REPUBLIKA E SHQIPËRISË
KËSHILLI I LARTË I PROKURORISË

Nr. 1940/Prot.

Tiranë, më 28.07 2025

VENDIM

Nr. 183, Datë 16.07.2025

**“PËR PËRFUNDIMIN E PROCEDURËS SË VERIFIKIMIT TË PASURISË DHE
FIGURËS SË KANDIDATIT PËR MAGJISTRAT PROKUROR, I CILI ËSHTË
DIPLOMUAR NË SHKOLLËN E MAGJISTRATURËS NË VITIN AKADEMIK
2024 - 2025, Z. SKERDI SINANAJ”**

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar (në mungesë)
5. Arta MANDRO	Anëtar
6. Ledina RIZA	Anëtar
7. Moisi DUDA	Anëtar (në mungesë)
8. Vatë STAKA	Anëtar (në mungesë)
9. Olger EMINAJ	Anëtar
10. Erind MERKURI	Anëtar
11. Erion FEJZULLA	Anëtar

në mbledhjen plenare të datës 16.07.2025, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

**“Për përfundimin e procedurës së verifikimit të pasurisë dhe figurës së kandidatit për
magjistrat prokuror, i cili është diplomuar në Shkollën e Magjistraturës në vitin
akademik 2024 - 2025, z. Skerdi Sinanaj”**

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 1940, datë 09.07.2025, të Komisionit të Vlerësimit të Veprimtarisë Etike dhe Profesionale, pasi dëgjoi relatorin Moisi Duda si dhe diskutimet e zhvilluara në mbledhje plenare mbi çështjen,

V Ë R E N:

1. Këshilli i Lartë i Prokurorisë (në vijim, Këshilli) garanton pavarësinë, llogaridhënien, disiplinën, statusin dhe karrierën e prokurorëve.
2. Me Vendimin Nr. 24, datë. 13.02.2025, "*Për fillimin e procedurave të verifikimit të pasurisë dhe figurës për magistratë prokurorë, të cilët do të diplomohen nga Shkolla e Magjistraturës në vitin 2025*", Këshilli ka filluar procedurën administrative për verifikimin e pasurisë dhe figurës për 26 (njëzetë e gjashtë) kandidatë prokurorë të cilët do të diplomohen nga Shkolla e Magjistraturës, në vitin 2025, ndër të cilët edhe kandidati Skerdi Sinanaj.
3. Me Vendimin nr.25, datë 13.02.2025, për "*Hedhjen e shortit dhe caktimin e relatorit për verifikimin e pasurisë dhe figurës për 26 (njëzetë e gjashtë) kandidatët për magistratë prokurorë, të cilët mund të diplomohen nga Shkolla e Magjistraturës në vitin akademik 2025*", Këshilli zhvilloi procedurën e hedhjes së shortit për caktimin e relatorit, për secilin kandidat.
4. Relatori për kandidatin Skerdi Sinanaj, z. Moisi Duda në zbatim të Pikës 1, të Seksionit A, të Kreut VI, të Rregullores, në rrugë elektronike (me e-mail) me datë 18.02.2025 ka njoftuar kandidatin për fillimin e procedurës së verifikimit, si dhe për të drejtën për të kërkuar përjashtimin e relatorit, apo ndonjë anëtar i Këshillit, në rast të ekzistencës së një situatë konflikti interesi.
5. Me e-mailin e datës 18.02.2025, z. Skerdi Sinanaj ka deklaruar nëpërmjet postës elektronike se është njohur me fillimin e procedurës së verifikimit të pasurisë dhe figurës në cilësinë e Kandidatit për magistrat prokuror, i cili do të diplomohet nga shkolla e magjistraturës në vitin 2025, duke deklaruar se nuk ka ndonjë situatë konflikti interesi me relatorin që është caktuar përmes procedurës së shortit në Këshill.
6. Njëkohësisht me e-mailin e datës 21.02.2024, kandidatit i janë dërguar formularët përkatës sipas kërkesave të ligjit duke i kërkuar plotësimin dhe dorëzimin e tyre së bashku me Autorizimet për verifikim pranë çdo personi fizik ose juridik, publik ose privat, brenda dhe jashtë territorit të Shqipërisë, të të dhënave personale që lidhen me verifikimin e figurës dhe pasurisë si dhe përpunimin e këtyre të dhënave kudo ku ato janë të regjistruara nga Këshilli.
7. Në datë 25.02.2025, protokolluar me nr. 351, kandidati Skerdi Sinanaj ka depozituar pranë Këshillit si më poshtë:
 - i. *Autorizimi për Këshillit të Lartë të Prokurorisë me qëllim sigurimin dhe verifikimin e të dhënave personale;*
 - ii. *Deklaratë me të dhënat mbi adresën postare, adresën elektronike dhe kontaktet telefonike për njoftim gjatë kësaj procedure;*
 - iii. *Deklaratë mbi papajtueshmërinë me funksionin e magistratit për shkak të anëtarësisë në parti politike;*

iv. Deklaratë Individuale që kandidati nuk është bashkëpunëtor, informator ose agjent i shërbimeve sekrete;

v. Formular Vetëdeklarimi për zbatimin e Ligjit 138/2015 "Për garantimin e integritetit të personave që zgjidhen, emërohen ose ushtrojnë funksione publike";

8. Në mbështetje të nenit 35, të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, germës "b", të Kreut II, dhe Seksionit B, të Kreut VI, të Rregullores, Relatori ka ndjekur veprimet procedurale për verifikimin e pasurisë dhe figurës të kandidatit Skerdi Sinanaj.

9. Pas verifikimeve paraprake dhe përgjigjeve të ardhura nga institucionet përgjegjëse shtetërore, Relatori ka paraqitur Relacionin me gjetjet paraprake për kandidatin për t'u emëruar magjistrat, profili Prokuror, Skerdi Sinanaj.

A. VERIFIKIMI I PASURISË SË KANDIDATIT

10. Me shkresën nr. Prot., 442 Prot, datë 04.03.2025, Këshilli i është drejtuar Inspektoratit të Lartë të Deklarimit dhe Kontrollit të Pasurive dhe Konfliktit të Interesave (ILDKPKI), për verifikimin e pasurisë për Kandidatin për magjistrat z. Skerdi Sinanaj, i cili do të diplomohet në Shkollën e Magjistraturës në vitin 2025.

11. Nga ana e këtij institucioni, është kthyer përgjigja me Shkresën nr. 79/23 Prot, datë 26.06.2025. ILDKPKI ka paraqitur aktin e përfundimit të kontrollit të plotë të Deklaratës së pasurisë dhe interesave private të kandidatit për pozicione të ndryshme në sistemin e drejtësisë, për Kandidatin për magjistrat, i cili do të diplomohet në Shkollën e Magjistraturës, z. Skerdi Sinanaj.

12. Në këtë akt përfundimtar për subjektin deklarues z. Skerdi Sinanaj theksohet se, nga ILDKPKI, është dërguar pranë Këshillit, Akti i kontrollit të plotë për Deklaratën e Pasurisë dhe Interesave Private të kandidatit për pozicione të ndryshme në institucionet e sistemit të drejtësisë/për formimin fillestar në Shkollën e Magjistraturës me nr. Prot., 760/25 Prot., datë 6.10.2022, sipas të cilit:

- a) deklarimi është i saktë në përputhje me ligjin;
- b) ka burime financiare të ligjshme për të justifikuar pasurinë;
- c) nuk ka kryer fshehje të pasurisë;
- d) nuk ka kryer deklarim të rremë;
- e) subjekti nuk gjendet në situatën e konfliktit të interesave.

Ky Akt Kontrolli përfshin periudhën deri në datë 26.06.2022.

13. Në datë 09.03.2025, z. Skerdi Sinanaj ka dorëzuar pranë ILDKPKI, Deklaratën e Pasurisë dhe Interesave Private të kandidatit për pozicione të ndryshme në institucionet e sistemit të drejtësisë që kandidon për tu emëruar Magjistrat profili Prokuror.

14. Për kryerjen e kontrollit të plotë të kësaj deklarate, ILDKPKI ka krahasuar Deklaratën e Pasurisë dhe Interesave Private të kandidatit për pozicione të ndryshme në

SEKRETI

institucionet e drejtësisë dhe dokumentacionin justifikues bankar dhe jo-bankar, të dorëzuar nga vetë Kandidati me të dhënat e kërkuara me anë të korrespondencës me nr.79 prot., datë 11.03.2025 pranë institucioneve si Banka e Shqipërisë, bankat e nivelit të dytë, institucioneve të tjera financiare, institucioneve shtetërore si, Drejtoria e Përgjithshme e Shërbimeve të Transportit Rrugor (DPSHTRR), Agjencia Shtetërore e Kadastrës (ASHK), Drejtoria e Përgjithshme të Tatimeve (DPT), Instituti i Sigurimeve Shoqërore (ISSH), Qendra Kombëtare të Biznesit (QKB), Drejtoria e Përgjithshme e Doganave (DPD), Drejtoria e Përgjithshme e Parandalimit të Pastrimit të Parave (DPPPP), Drejtoria e Përgjithshme Detare (DPD). Ky kontroll është kryer për periudhën 27.06.2022 - 09.03.2025.

15. Në përfundim të veprimeve verifikuese të kryera në përputhje me Ligjin nr. 9049, datë 10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publik” i ndryshuar, Ligjin nr. 9367, datë 07.04.2005, “Për parandalimin e konfliktit të interesave në ushtrimin e funksioneve publike” i ndryshuar, si dhe Ligjin nr. 96/2016, “Për statusin e gjyqtarëve dhe prokurorëve në Republikën e Shqipërisë” i ndryshuar, është konstatuar se, për Kandidatin z. Skerdi Sinanaj,
- a) deklarimi është i saktë në përputhje me ligjin;
 - b) ka burime financiare të ligjshme për të justifikuar pasurinë;
 - c) nuk ka kryer fshehje të pasurisë;
 - d) nuk ka kryer deklarim të rremë;
 - e) nuk gjendet në situatën e konfliktit të interesave.
16. Në përgjigje të kërkesës së Këshillit, Agjencia e Inteligjencës Financiare datë 04.04.2025, informon se, ***“Pas kerkimeve në sistemin elektronik, për Kandidatin z. Skerdi Sinanaj nuk disponohen të dhëna për transaksione apo pasuri të dyshimta“. Nuk rezultuan raportime.***
17. Në përgjigje të kërkesës së Këshillit, me shkresën nr. Prot., 1487/1 Prot, datë 20.03.2025, të Drejtorisë së Përgjithshme të Tatimeve është kthyer përgjigje, në të cilën informohet se: ***“Shtetasi z. Skerdi Sinanaj nuk figuron i regjistruar në organet tatimore për ushtrim aktiviteti privat si person fizik ose juridik nga data 7.09.2022 deri aktualisht”.***
18. Në përgjigje të kërkesës së Këshillit, me shkresën nr. prot 5234/1 Prot, datë 25.03.2025, Drejtoria e Përgjithshme e Doganave ka informuar se, nga verifikimet e kryera në sistemin elektronik të administrimit të të dhënave “Asycuda World” ka rezultuar që, shtetasja z. Skerdi Sinanaj ***“nuk ka kryer ndonjë veprim doganor import-eksporti. Gjithashtu, nuk rezultojnë deklarime të bëra për para CASH, çek, apo metale a sende të çmuara në pikat e kalimit kufitar doganor për periudhën Mars 2004 deri më 02 Mars 2025”.***
19. Në përgjigje të kërkesës së Këshillit, me shkresën nr. 3118 prot, datë 19.03.2025 të ISSH, është dërguar informacion i cili disponon të dhëna për kontributet të cilat mbledhen dhe dërgohen nga drejtoria e Përgjithshme e Tatimeve nëpërmjet Webservice sipas formularit standard përkatës (formulari përmban të dhëna për

pagën dhe derdhjen e kontributit të sigurimeve shëndetësore i cili rezulton të jetë realizuar për periudhën Qershor 2022).

20. Në përgjigje të kërkesës së Këshillit, me Shkresën nr. Prot., 5112/1 prot, datë 13.03.2025 të QKB, është dërguar informacion se shtetasi Skerdi Sinanaj: ***“Figuron të jetë pajisur me NIPT M16714202G pranë Regjistrit Tregtar si person fizik me emrin Skerdi Sinanaj por statusi i subjektit është Çregjistruar në datë 07.09.2022. Gjithashtu nuk rezulton që shtetasi Skerdi Sinanaj të jetë pajisur me leje/licensa.***

21. Nga përgjigjet e ardhura nga këto institucione arrijmë në përfundimin se, ka rezultuar përputhshmëri mes deklarimeve të kandidatit të kontrolluar, Aktit të përgatitur nga ILDKPKI-ja si dhe përgjigjeve të ardhura nga institucionet e mësipërme. Në këtë mënyrë, është konkluduar se, nuk ka nevojë të kryhet hetim më i thelluar se ai i kryer nga ILDKPKI-ja.

B. VERIFIKIMI I FIGURËS SË KANDIDATIT

22. Mbi bazën e Formularit të Vetëdeklarimit për zbatimin e Ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kandidati z. Skerdi Sinanaj rezulton se:

- nuk ka qenë e dënuar ndonjëherë me vendim gjyqësor të formës së prerë nga ndonjë autoritet gjyqësor shqiptar ose i huaj;
- nuk është e dënuar me burgim me vendim gjyqësor jo përfundimtar nga një autoritet gjyqësor shqiptar ose i huaj, për një çështje penale të pazgjidhur me vendim gjyqësor të formës së prerë;
- nuk ka qenë ndonjëherë nën hetim ose gjykim nga një autoritet i huaj për kryerjen e një vepre penale;
- nuk është e dënuar me burgim me vendim gjyqësor jo përfundimtar nga një autoritet gjyqësor shqiptar ose i huaj, për një çështje penale të pazgjidhur me vendim gjyqësor të formës së prerë;
- nuk ka qenë ndonjëherë nën hetim ose gjykim nga një autoritet i huaj për kryerjen e një vepre penale;
- nuk ka qenë e ndaluar apo arrestuar nga organet ligjzbatuese, për kryerjen e një vepre penale;
- nuk është caktuar ndaj saj ndonjëherë masë shtrënguese e sigurisë personale, në fuqi ose jo;
- nuk është lëshuar ndonjëherë ndaj saj një urdhër kërkimi ndërkombëtar lidhur me kryerjen e veprave penale;
- nuk është marrë ndaj saj masa e dëbimit nga një shtet i huaj;
- nuk ka jetuar jashtë territorit të Republikës së Shqipërisë për më shumë se një muaj.

23. Në përgjigje të kërkesës së Këshillit, me shkresën nr. 391/4 Prot, datë 20.03.2025, Prokuroria e Përgjithshme informon si më poshtë;

Nga verifikimet në sektorin e protokoll arkivit sekret rezultoi se, ***në emër të shtetasit Skerdi Sinanaj “nuk disponohen të dhëna apo indicje që cenojnë figurën e Kandidatit. Gjithashtu rezultoi se nuk ka çështje penale, kallëzim apo ankesa ndaj tij”.***

24. Në përgjigje të kërkesës së Këshillit, me Shkresën nr. 9669 Prot. (DB), datë 18.03.2025, Prokuroria e Posaçme Kundër Korrupsionit dhe Krimit të Organizuar, konfirmon se pas verifikimeve të kryera në regjistrin e njoftimit të veprave penale të kësaj prokurorie, ***“nuk rezultojnë të jetë regjistruar ndonjë procedim penal në emër të shtetasit Skerdi Sinanaj, për periudhën 27.06.2022 deri aktualisht”***.

25. Në përgjigje të kërkesës së Këshillit, me Shkresën nr. 401/1 Prot, datë 28.03.2025, Byroja Kombëtare e Hetimit bën me dije se nga verifikimet e kryera nuk disponon informacion dhe të dhëna mbi Kandidatin për prokuror z. Skerdi Sinanaj.

26. Në përgjigje të kërkesës së Këshillit, Prokuroritë pranë Gjykatave të Shkallës së Parë të Juridiksionit të Përgjithshëm, Berat, Gjirokastrë, Dibër, Tiranë, Durrës, Korçë, Fier, Elbasan, Vlorë, Shkodër, Lezhë, Kukës, Sarandë, në përgjigje të shkresave të dërguara në KLP, informojnë se, ***“Për shtetasin Skerdi Sinanaj nuk disponojnë të dhëna, apo indicje të ardhura nga agjencitë ligjzbatuese, të dhëna për kontakte me persona të papërshtatshëm, apo materiale kallëzuese të mosfilluara, procedime penale të pushuara, pezulluara apo të dërguara për gjykim”***.

27. Në përgjigje të kërkesës së Këshillit, Gjykata e Apelit e Juridiksionit të Përgjithshëm me shkresën nr. 5676/1, datë 13.03.2025 dhe Gjykatat e Shkallës së Parë të Juridiksionit të Përgjithshëm Berat, Gjirokastrë, Dibër, Tiranë, Durrës, Korçë, Fier, Elbasan, Vlorë, Shkodër, Lezhë, Kukës, Sarandë, në përgjigjet e tyre në mënyrë të përmbledhur informojnë se, ***“Për shtetasin Skerdi Sinanaj nuk rezultojnë çështje penale/civile, urdhër mbrojtje ose urdhër mbrojtje të menjëhershëm”***.

28. Në përgjigje të kërkesës së Këshillit, Gjykata e Posaçme e Apelit për Korrupsionin dhe Krimin e Organizuar me shkresën nr. 460/1, datë 17.03.2025 dhe Gjykatat e Posaçme e Shkallës së Parë për Korrupsionin dhe Krimin e Organizuar me shkresën nr. 1054/1 Prot, datë 01.04.2025, informojnë se, ***“Për shtetasin Skerdi Sinanaj nuk rezultojnë që të ketë procese gjyqësore penale ose të jetë dhënë ndonjë vendim penal në ngarkim nga këto gjykata”***.

➤ **Raportimi nga organet e specializuara**

29. Gjatë procedurës së verifikimit të figurës për Kandidatin z. Skerdi Sinanaj ju kërkua informacion institucioneve të shërbimeve shtetërore informative si: Shërbimi Informativ Shtetëror, Agjencia e Mbikëqyrjes Policore pranë Ministrisë së Brendshme, Agjencia e Inteligjencës dhe Sigurisë së Mbrojtjes pranë Ministrisë së Mbrojtjes dhe Autoritetit Kombëtar për Sigurinë e Informacionit të Klasifikuar.

30. Me shkresat e dërguara nga Shërbimi Informativ Shtetëror, Agjencia e Mbikëqyrjes Policore pranë Ministrisë së Brendshme, Agjencia e Inteligjencës dhe Sigurisë së Mbrojtjes pranë Ministrisë së Mbrojtjes dhe Autoriteti Kombëtar për Sigurinë e Informacionit të Klasifikuar, informohet se, për Kandidatin z. Skerdi Sinanaj,

- Nuk disponohen të dhëna për përfshirje në veprimtari të kundërligjshme,

- Nuk ka të dhëna për veprimtari kriminale apo të ketë lidhje/kontakte të papërshtatshme me persona të përfshirë në krimin e organizuar,

Nuk disponohen të dhëna/informacione për përfshirjen e tij në veprimtari që cenojnë sigurinë kombëtare apo aktivitete të kundërligjshme.

31. Referuar Deklaratës së datë 25.02.2025, mbi papajtueshmërinë me funksionin e magjistratit për shkak të anëtarësisë në parti politike, kandidati z. Skerdi Sinanaj ka deklaruar se, nuk është anëtar në ndonjë parti politike, pasi kjo përbën shkak papajtueshmërie me funksionin e magjistratit. Kjo deklaratë është lëshuar me përgjegjësi ligjore sipas nenit 6, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar.
32. Në përgjigje të kërkesës së Këshillit, me Shkresën nr. 371/1 Prot, datë 13.03.2025, Shkolla e Magjistraturës informon se ndaj kandidatit për magjistrat Skerdi Sinanaj **”nuk ka masë disiplinore në fuqi dhe ndaj tij nuk ka ndonjë proces disiplinor”**.
33. Relacioni me gjetjet paraprake është miratuar në Komisionin e Vlerësimit të Veprimtarisë Etike dhe Profesionale dhe iu komunikua me elektronikisht kandidatit. Në e-mail-in e datës 07.07.2025, kandidati Skerdi Sinanaj ka konfirmuar dhe dakortësuar përmbajtjen këtij relacioni.
34. Përsa më sipër, Këshilli vlerëson të përfunduar procedurën e verifikimit të pasurisë dhe figurës së kandidatit për magjistrat prokuror, i cili është diplomuar në Shkollën e Magjistraturës në vitin akademik 2024-2025, z. Skerdi Sinanaj.

PËR KËTO ARSYE:

Mbështetur në nenin 149/a, pika 1, germa “a”, të Kushtetutës, në nenet 32 dhe 35, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, në nenet 159 dhe 189 pika 1, germa “a”, të Ligjit nr. 115/2016 “Për organet e qeverisjes së sistemit të drejtësisë”, i ndryshuar, në Vendimin nr. 171, datë 29.09.2019, “Për miratimin e “Rregullores për procedurën e verifikimit të kushteve dhe kriterëve ligjore për rekrutimin, emërimin si magjistrat dhe caktimin në pozicion të kandidatëve për prokurorë, si dhe zhvillimin e karrierës së prokurorëve”, e ndryshuar, me propozim të Komisionit të Vlerësimit të Veprimtarisë Etike dhe Profesionale sipas Relacionit nr. 1940, datë 09.07.2025, Këshilli i Lartë i Prokurorisë,

V E N D O S I:

1. Të vlerësojë të përfunduar procedurën e verifikimit të pasurisë dhe figurës të kandidatit për magjistrat prokuror, i cili është diplomuar në Shkollën e Magjistraturës në vitin akademik 2024-2025, z. Skerdi Sinanaj.
2. Lejimin e kandidatit Skerdi Sinanaj, të vijojë me procedurat e mëtejshme për emërimin e tij si prokuror.
3. Të njoftohet për këtë vendim Shkolla e Magjistraturës dhe z. Skerdi Sinanaj.

4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 16.07.2025.



KRYETAR
Mirela Bogdani

ANËTAR
Sokol Stojani

ANËTAR
Olger Eminaj

ANËTAR
Arta Mandro

Arta Mandro

ANËTAR
Erind Merkuri

Erind Merkuri

ZV/KRYETAR
Erind Germenji

Erind Germenji

ANËTAR
Ledina Riza

Ledina Riza

ANËTAR
Erion Fejzulla

Erion Fejzulla